



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 31/08/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mobilitéit weiderzeleeden.

An de Froen 2732 a 5929 hunn ech mech scho beim Minister iwwert d'Zukunft vun de Gas-Busse beim TICE an de Konsequenze vun den héijen Energiepräisser informéiert. D'Situatioun huet sech säit dem Mee wat dës Punkten ugeet net verbessert. De Minister hat erkläert, dass et beim RGTR an dem TICE zu automatesche Budgetsupassunge wéinst den Dreifstoffkäschte ka kommen.

An deem Zesammenhang wéilt ech dem Minister dës Froe stellen:

1. Wéi vill Mehrausgaben erginn sech beim TICE zur Zäit duerch d'Erhéijung vun den Dreifstoffpräisser? Hunn sech d'Previsiounen aus der Äntwert 5929 geännert?
2. Wat fir konkret Schrëtt si virgesinn, fir d'Busser mat Gasuntrieb beim TICE duerch emissionsfräi Busser z'ersetzen? War den Akaf vu Busser mat Gasuntrieb eng Feelentscheidung?
3. An der Fro n°5929 sot de Minister:

"Aloedend ass ze rappeléieren, datt de Staat sech un den Exploitatiounskäschten vum TICE bedeelegt andeems en sech un de Critèren orientéiert déi am RGTR ugeward ginn, dëst laut der aktueller Konventioun tëschen dem Staat an dem TICE. Dat wat iwwer d'Critèren vum RGTR erausgeet geet zu Laaschte vun de Gemengen."

Bedeit dëst, dass d'Mehrausgabe ganz vum Staat gedroe ginn oder geet hei och ee Prozentsaz zu Laaschte vun de Gemengen?

4. Kann de Minister garantéieren, dass och bei weider steigende Präisser all d'Linne vum RGTR an dem TICE plangméisseg gefuer ginn?

Mat déiwem Respekt,



www.piraten.lu



GOERGEN Marc

Député



www.piraten.lu